

PREDLOG ZA IZMJENE PROGRAMA RADA VLADE CRNE GORE ZA 2014. GODINU

- 1) *U poglavlju II Tematski dio, potpoglavljje B) Ekonomska politika i finansijski sistem, tačku 47 (Strategija za primjenu pravne tekovine EU u oblasti slobodnog kretanja roba 2014-2018.) predviđenu za I kvartal potrebno je uvrstiti za II kvartal 2014. godinu,*
- 2) *U poglavlju II Tematski dio, potpoglavljje B) Ekonomska politika i finansijski sistem, tačku 52 (Akcioni plan za implementaciju Strategije za slobodno kretanje roba za 2014. godinu) predviđenu za I kvartal potrebno je uvrstiti za II kvartal 2014. godinu i preimenovati u Akcioni plan za implementaciju Strategije za slobodno kretanje roba do 2018. godine,*

1) Programom rada Vlade za 2014. godinu, planirano je usvajanje Strategije za primjenu pravne tekovine EU u oblasti slobodnog kretanja roba 2014-2018. prevashodno u cilju dostizanja pune usklađenosti nacionalnog zakonodavstva sa sa EU acquis-em u okviru 1. pregovaračkog poglavlja.

Direktorat za razvoj i Direktorat za unutrašnje tržište i konkurenciju Ministarstva ekonomije pripremili su Nacrt Strategije i isti drugi put uputili Evropskoj komisiji na mišljenje, s obzirom da ova Strategija predstavlja jedno od tri mjerila za otvaranje poglavlja 1-sloboda kretanja robe. Nacrt Strategije je takođe dostavljen organima državne uprave uključenim u proces pregovora za 1.poglavljje-Sloboda kretanja robe, na mišljenje. Dobijanje komentara od Evropske komisije i njihovo inkorporiranje u Strategiju iziskuje dodatno vrijeme i pomjeranje ove tačke Programa rada Vlade za II kvartal 2014. godine.

2) Programom rada Vlade za 2014. godinu, planirano je usvajanje Akcionog plana za implementaciju Strategije za slobodno kretanje roba za 2014. godinu kojim se definišu nadležnosti i rokovi za preuzimanje EU pravnih akata u nacionalno zakonodavstvo.

Prema preporukama Evropske komisije, relevantnije je pripremiti Akcioni plan za sprovođenje Strategije za period 2014-2018. Shodno tome, prvobitni naziv dokumenta je neophodno preimenovati u *Akcioni plan za implementaciju Strategije za slobodno kretanje roba do 2018. godine*. Izrada detaljnog Akcionog plana za petogodišnji period od 2014. do 2018. godine zahtijeva dodatno vrijeme i pomjeranje ove tačke Programa rada Vlade za II kvartal 2014. godine.